

故宮
珍本
集刊

續修龍虎山志·南嶽志

等三種



故宮博物院編

海南出版社

故宮珍本叢刊第 260 冊 史部地理類山水

故宮博物院編

續修龍虎山志
廬山小志
南嶽志

海南出版社

新學
PDF

圖書在版編目(CIP)數據

故宮珍本叢刊.第260冊,地理·山水,續修龍虎山志、廬山小志、南嶽志/故宮博物院編. — 影印本. — 海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06653 號

故宮珍本叢刊第260冊

史部·地理·山水

續修龍虎山志 廬山小志 南嶽志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2001年6月第1版 2001年6月第1次印刷

開本:787×1092毫米 1/16 印張:31.75 印數:1-400冊

ISBN 7-80645-986-3/Z·67

定價:8400元(河渠山水古迹游記外紀96種共42冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

龍虎山志序

神僊之役使鬼神何說乎孔子曰清明在躬志氣如神中庸曰惟天下至誠爲能化道家致虛守靜修性煉神故能無爲而無不爲出入三界宰制萬靈其理與吾儒實相脗合卽如符籙一事亦須存想凝神而得之斯亦志一動氣之驗也三代以上不見於經彼蓋存而不論使由而不使知耳秦漢以來世主以雄氣侈心求之去之迺益遠然史傳所載若安期羨門淮南八公王喬壺公薊子訓魏

龍虎山志

序

伯陽葛稚川之屬或輕舉飛昇或蟬蛻尸解出有入無莫可端倪神僊之說斷斷有之至求其洞三界攝萬靈爲斯民救災捍患世世賴之者蓋鮮也有之自真人張輔漢氏始世莫不神異其術然上古有之人自不著不察耳昔黃帝鑄鼎荆山鼎成上昇非神僊事乎命鬼吏區統百鬼蚩尤作亂迷霧障天僂之涿鹿之野非制服鬼神事乎猶曰世遠難言也迺若大禹鑄鼎象物使民知神姦魑魅魍魎莫能逢之鎖支祁之恠枯貳負之尸斲防風

之骨省方倦勤乃入禹穴變化靈通斯其彰明較

著者黃帝垂衣恭己問道崆峒大禹親承精一至誠感神惟有其理乃有其事豈虛也哉周道旣衰禹鼎淪喪神人失序妖厲並興於是老氏始出爲後來道家之祖道德五千言通幽洞冥於神人無所不該漢世尙其道猶能以恭默致治平漢道衰元教微爲其說者往往支離龐雜無益於世迺有輔漢真人出爲道家符籙之宗其原出於老氏蓋道德經之有符籙亦猶六經之有羽翼傳註也道

龍虎山志

序

德開其源其教尊符籙演其傳其益廣老氏虛極靜篤在釋爲頓在吾儒爲生知真人積功累行在釋爲漸在吾儒爲學知其源同其究一也計陽平飛昇之年至於今千五百餘載相傳五十餘代其靈通變化如一日無祈禳不應無妖魔不除佑國庇民事覈而理顯後世迂儒不究指歸不覈正僞以一切神僊爲誕妄至鬼神直曰造化之迹耳豈通論哉我太祖統一聖神並立三教嗣教大真人與衍聖公等秩埒崇蓋實知其教之能夾佐儒術

裨濟蒼生迺興神物以前民用此與黃帝之問道
崆峒大禹之鑄鼎象物吾夫子以猶龍讚老子意
豈異哉列聖相承崇尚無改繼自今雖與天地並
存可也余幸得與今嗣教大真人張九功氏遊一
日出龍虎山志示余命爲敘之蓋輔漢氏原煉龍
虎丹於此山後迺飛昇於陽平傳四代而仍居龍
虎余特爲考據經典論其實理之可傳如此若夫
山川世系思綸宮觀人物藝文志中備矣余何言
詩云昭茲來許繩其祖武於萬斯年受天之祜則

龍虎山志

序

三

在後之人哉則在後之人哉

禮部尙書兼翰林院學士掌詹事府溫陵黃汝良

譔

續修龍虎山志目錄

卷一

山川

卷二

建置

卷三

人物

卷四

思綸

龍虎山志

目錄

卷五

藝文

卷六

詩賦

續修龍虎山志卷一

元翰林院侍講學士元明善 輯修

明五十代大真人張國祥 續修

山川

夫乾坤凝爍每效靈於山川艮坎峙流輒分精於崎嶇故十洲三島同棲不二之天五嶽百靈各挺無邊之相惟茲龍虎地不亞鳳麟洲九十九峰峰峰奇蹟二十四洞洞洞傳踪洞天天外元天此處烟霞獨迥福地地中勝地個中人物

龍虎山志 卷一

無雙作山川志

山

龍虎山按信州圖志在上清宮西二十里仙岩之上天下第二十九福地漢天師道陵居是煉龍虎大丹因是名焉相傳爲青龍白虎馴遶者幻也四代天師元宗自漢中來莫居焉建祠其地以祀祖天師宋崇寧中三十代天師繼先奉勅修建賜額演法觀本山導山自建寧導水自邵武東距信州二百里北距饒州三百里

象山在宮東二十里峻極斗絕俯瞰諸山其形類象因名又名應天山山頂平坦有田園池塘宋儒陸子靜讀書其上十八代天師士元修道其中四十年每大風雨人輒見其乘黑虎往來諸峰間上有繡經石黑虎井碧蓮池構三菴以崇釋教臺山在宮北五里崑然高峙爲宮後屏障上有禪寺

貌姑山在宮東南二十里貌姑修道其上弟尋至半嶺姑以步倒移弟疑其下山去遂名其山曰模

龍虎山志 卷一

二

空尖後居民結菴以祀早年人率童男女續麻獻齋以禱則雨上有石如人坐目爲白石夫人灾疫嗣續每禱輒應山頂有封鬼洞

西華山在宮西五里宣德中澹然真人建祠於頂以祀浮丘王郁三仙

華山在真人府第後半里許左右山勢環抱林木叢密山南有小溪帶繞府第焉

雲臺山與貌姑山相峙祖天師嘗命弟子趙昇取桃於此山絕壑中後與夫人雍氏乘雲上昇唐葉

天師亦嘗煉丹於此

塵湖山與雲臺山相聯頂有湖相傳葉天師所開以濯丹鼎

徵君山在宮南二十里十四代天師慈正結菴以居累徵不起山因是名上有梧竹塘七星峰白鶴塢二十七代天師象中結菴竹塘養靜其中得道冲舉

西山在宮西十里南唐司徒薛忠提兵鎮於此

大夫山在宮南十五里張宗師留孫父文簡公之

龍虎山志

卷一

三

居面焉里人相傳張氏受一官山鑿一石大官大

石鑿小官小石鑿

石鉢山在仁福鄉高二十餘丈頂有坎如孟冬夏

水不竭

鬼谷山在宮東南六十里天下第十五洞天貴元

思真是也有蘓秦臺張儀井或云鬼谷王詡於此

修仙張儀蘓秦於此受道又有孫臏寨龐家井

嶺

迎仙嶺在宮西五里三十九代天師所開西達金

谿建昌要路舊名胡氏嶺

篠嶺在宮東七里嶺路紆迴達貴溪要路

峰

琵琶峰在宮南隔溪拔起數百丈形類琵琶爲真人府應山

擁雲峰在宮東時有雲氣排擁而出故名

雙仙峰在宮南兩峰相峙拱如人立

雲林峰在宮南二十里層疊峭崿連絡三十六峰

若頓笏排戟龍翔鳳翥之狀爲本宮應山

龍虎山志

卷一

四

摩雲峰在宮南飛雲出入與雲相摩人莫能登

迴龍峰在宮東日初升霽濕雲不散人謂雨龍迴還

五老峰在宮南五峰高出雲表

逍遙峰在宮南三十里上有許真君祠祠傍石壁

間彷彿如人掌跡二相傳昔有仙人以手着其上

今潤澤如玉

望霓峰在宮東雲興則雨與摩雲峰相連

望仙峰在宮左登頂可見仙岩故名

冲天峰在宮西五里與西華山相峙祠祀真武

蛾眉峰在宮西北二十五里峰頂祠祀真武有禱

輒應

玉龍峰在宮東二十里祠祀真武

岩

仙岩從真人府前順流二十里與演法觀相去二里岩中空洞下臨深淵上嵌空碧到處洞穴中通石竇如井登眺從竇中而上絕巘構樓懸空複道如棧引繩絆結危險驚魂引聯青真蒼茫天界二

龍虎山志

卷一

五

十四岩碁布星列獨此最爲奇勝諸岩皆峭絕凌空人跡罕至泛舟仰視上窮目力僅可彷彿至路繞山脊俯岩而窺眩慄不能及岩中各具器物不可名狀仙真奇蹟若有神靈訶護

三教岩若三人並立講論之狀故名

觀水岩若一人俯溪觀水之狀故名

仙倉岩凡三處各有倉倉有門門板或新或舊或開或閉農家以之驗歲豐歉

酒甕岩若甕貯其中橫欹不動

仙蛻岩有棺橫其中

藥筐岩中有一磨磨傍有一藥籠

丹竈岩若泥土壘成有水淋火煉之色

木屐岩若木屐一雙在其中

機杼岩或張如織或徒具杼軸隱隱可觀

馬廐岩兩柱間有一櫪如秣馬之狀

鷹架岩木架虛張若堆積鷹矢

染具岩架具筐列班黥若染色

杵臼岩中若有杵臼

龍虎山志

卷一

六

仙樂岩昔有人艤舟遊觀忽聞樂聲清亮從岩中出故名

獅子岩仙犬岩仙羊岩宛若三物伏其中

轆轤岩一木出外尺餘繫汲水之物時或歇閣木上或垂下或入於中洪武初有武士遊覽彎弓射

之而木收矣今只觀其半云

鐵爐岩中有泥爐爐傍列器械非一

泥料岩凡數處各堆木料傍積白泥

仙船岩岩中橫一舟

仙牀岩虛榻中設常有白雲覆之

棲真岩若重樓複閣如蜃氣然

奕碁岩中設碁枰若二人對奕

道堂岩在仙岩上郁和道士丘自然結菴岩頂修煉

鐘鼓岩在仙岩西北岩中有竅透東可出世傳有道人修煉岩中有石臼出米石盞出油石鐘石鼓擊之則鳴道人欲開白鑿盞期有餘積於是鐘鼓不響油米不復出矣

龍虎山志 卷一

七

楊子岩舊說爲楊子譚經處

沙岩 石耒岩 朝天岩 張老岩 磬香岩

龍岩

石

龍虎石在演法觀左右謂之雙龍雙虎蓋天設奇石以護靈壇

雲錦石在仙岩上流高百餘丈紅紫照耀朝霞夕

暉光彩如錦蘚然壁立俯臨大溪

鍾維石世傳鍾維於此升仙

試劍石在仙岩前隔岸祖天師試劍於此一石中分截然兩斷

紫團石在仙岩北岸水中形色紫赤故名

蓮花石在仙岩前溪中試劍石上流紅紫如染森排周潔開列如蓮

仙桃石在雲臺山谷中祖天師命弟子取桃處後在此飛昇以煉丹訣授王趙二弟子

雷打石在宮西十里世傳普菴禪師受天師雷法回試之果驗雷劈石墮水中

龍虎山志 卷一

八

雞籠石在宮西十五里

雌雄石在仙岩下兩石如人抵背而坐俗名公母石

香鑪石在仙岩北五里巍然石柱高數百丈鑿石磴盤旋而上險處更鑿石眼攀緣平頂建祠祀三仙真君靈應若桴香火最盛

排衙石在仙岩東森然羅列若仙班伏直

碣石在仙岩下五里平曠之地崒然如笋高插雲表四面如削石背微覺隆起望之若有岩竇中仍

有器物石尖去地不啻數百丈上有古木藤蘿下懸

碁盤石在仙岩石壁下水中平坦如砥石壁上有大書仙岩二字遊人多載酒娛樂其上

繡經石在象山

屏風石形如屏障故名

洞

封鬼洞在藐姑山頂其中窈邃相傳祖天師曾禁鬼祟於此故名

龍虎山志

卷一

九

鬼谷洞在鬼谷山洞幽黯深闇入必以燭周廻四里可容千人內復有石洞洞門狹小昔有人幼入其中迤邐漸遠見人物廬舍宛如人世居久之出扶風間尋歸故鄉已數百年

壁魯洞在演法觀雷壇左絕崖上濶二十餘丈內復有小洞人不可入祖天師於此得神虎異書按仙傳云西山真人劉根字君安漢成帝時冬夏不衣身生綠毛二三尺遇太乙玉女傳張侯魏三使者之文藏於洞中銘曰天乙北祚神虎書太乙紫

文玉章符北魁元範在龍虎得者當尋西壁魯或曰神虎之法乃太白真人授於洞中

水簾洞在演法觀後上有煉丹岩丹鑪具存祖天師於此煉龍虎大丹其水卽濯丹之泉也又名濯鼎池水自懸崖飛洒而下若珠簾玉箔光耀眩目人嘯其下則水易其流久而復原宋祥符中勅醮觀中中官爲層構攀緣而上得遺丹還汴進上永樂間命四十四代真人宇清醮於觀中官倣宋臣故事構架至頂仍得遺丹并畱水以進

龍虎山志

卷一

十

西源洞在宮西十里泉石深窅景色瀟疎三十代天師繼先嘗賦西源好十二章詳見後張公洞在宮南三十里大山中山有井天師慶先遊井上戲以木葉投之有一老人從井中出拜而有請戒以毋作旱澇令去

井

聖井在宮南二十里大山中有龍居之其井有上中下三處懸崖飛瀑一脉而貫井中投以金鐵重物輒浮投以楮幣輕者則直入苟不精潔復漩出

不受或浮百十年間物以荅水色黝黑中產異魚四足鱗鬣異常有旱禱者獲迎以歸雨必隨至後復送魚還井以爲常昔有巫郇姓者祈雨井上誤墜所吹白牛角巫投井取之見水中有樓殿巍然一老翁中坐侍衛森列置所墜角於牖間巫取角翁謂曰凡水旱俱有天數非吾獨專小民不修誠回天而晝夜角聲環井何爲故奪汝角巫懇請不已謂以後不敢相聒翁命還之巫出衣巾不濡後再旱巫違前戒吹角井上角復墜井巫復投身取

龍虎山志

卷一

二

角溺不復出踰三日屍出山前潭水之上僵坐不仆漁者推付長流旦視復坐如是者數四屍竟不去亦不朽敗是夕夢於鄉人曰予郇巫也再入井見龍龍閉不容出命我掌祀事鄉人爲之立祠有禱輒應宋理宗朝天師可大赴召旱檄龍致雨大驗因請於上封廣潤侯
蔡家井在仁福鄉旱禱有應
龍鬚井在官南三十里天師應韶隱其地嘗吹鐵笛於井上聲聞數里後葬井傍號靈砂坑

白水井在官南十五里五代時金谿僧劉姓者能篆龍偕隣徐公往山中有井令徐公提鞋以俟僧入井越三日從白水井出歸尋徐公已在井傍坐化矣垂泣問曰肯齋否不應命祭以白雞白鴨因名徐公井二井俱用白雞鴨爲祭旱禱輒應永樂中內使楊集請謁龍見於井嘉靖戊戌禱祀清潔投果其中布巾裹飯以荅劉僧號大德禪師
彭家井在官南二十里巨石爲洞門內有小洲水色泓碧旱禱投以文疏楮幣則漩遶而下投果則

龍虎山志

卷一

三

有果出水中以荅如獲異魚小虺雨輒隨應
石佛井在官東四十里有石佛坐其上傍有一批杷樹偃蹇如龍盤屈其上旱禱輒應
三台井在仁福鄉三級相連四時不竭
天開井在西源深僻險巖人跡罕到旱禱如響
丹井在宮鐘樓西泉甘味美久旱不竭
東華井在宮鼓樓數十步泉最清冽不竭
靈泉井在真人府月臺之前甬道之中玉蟾白真人所開泉甘香清冽有異諸井

橋

通聖橋在宮東五里象山之水出焉

朝仙橋在宮西五里舊名華橋

渡

元津渡在靜應觀西徃金谿東徃貴溪要津

池

天一池在宮南堪輿家以南方火宿奠位永樂間

開池潄水以厭火災

浴仙池在宮西一里三十代天師所生之地常浴

龍虎山志

卷一

十三

池中每坐於蓮葉上人方知其得道舊名蒙谷菴

蒙谷乃繼先父也

龍化池在仙岩寺之巔相傳爲蛟精所開有一井

久旱不竭

元武池在真人府第後周廣可百丈泓深澄碧中

構矩亭扁曰印虛度以虹橋環池間植松篁舊名

百花亭

溪

沂溪水從東南建寧由瀘溪會薌溪水合於安仁

之龍津注於湖溪繞於真人府前上自蓮霞潭下

至雷打石名曰禁港不許網釣永樂初建醮放生

於溪又名放生池有勅制禁碑今存萬曆二十九

年五十代天師國祥復題請制禁碑存

市

沂陽市在仙源鄉舊名倪洋唐倪亞爲中丞移鎮

雄石因名

鎮

雄石鎮有陸象山跋鄭淡記

龍虎山志

卷一

十四

續修龍虎山志卷二

建置

夫寓內洞天福地共壯河山國家開府建宮式
崇香火故澤世之功莫大於丹符寶籙而焚修
之地無過乎虎踞龍蟠茲山肇基自漢曠典從
今先時兵燹無常其間規制不一今茲琳宇制
荷熙朝用紀弘模以彰異數作建置志

殿宇

大上清正一萬壽宮在龍虎山東二十里古倪洋

龍虎山志

卷二

一

市今真人府東三里四代天師元宗來自漢中建
祠龍虎山以祀祖天師後子孫徙建於此別建壇
以傳法錄唐會昌中二十代天師子堅奉勅修建
賜額真仙觀宋祥符中勅改額上清觀天聖間二
十六代天師嗣宗奉勅遷建觀於山之陽政和中
勅改額上清正一宮元大德甲辰加賜額大上清
正一萬壽宮
三清殿卽本宮正殿
真風殿在三清殿後祀祖天師泊嗣師系師宋理

宗賜御書真風之殿四字

福地仙官殿在真風殿左

留侯殿在真風殿右

正一元壇殿在三清殿南殿額宋理宗御書

昊天殿在鐘樓東

正一堂在真風殿北上舊有紫微閣宋理宗御書

紫微閣三字

真慶殿在法堂西

三官殿在三清殿東南

龍虎山志

卷二

二

十二真君殿在三清殿西南

藏殿在齋堂西

南斗殿在藏殿北

鐘樓在東廊南

鼓樓在西廊南

雷祖祠在鐘樓下

五嶽聖帝祠在鼓樓下

元壇祠在昊天殿南

三門在正一元壇南

樓門在三門外榜曰龍虎福地

蓬海堂在三門東

宿雲堂在蓬海堂東

雷壇在龍山頂

瓊林臺在虎山頂

提點提舉所在方丈東

庫堂在方丈南

齋堂在三清殿西

內官廳在鼓樓西

龍虎山志 卷二

外官廳在丹井南

弘治初燬於火正德戊辰四十八代天師彥

頤題請欽差內官李文會董修

寥陽殿五間居中

真風殿五間在寥陽殿後

龍虎殿五間在寥陽殿前

玉皇閣五間在真風殿後已上制用琉璃通脊走

邊

雷祖殿在玉皇閣東

高真殿在玉皇閣西

三官殿元壇殿各三間居東廡

四聖殿文昌殿各三間居西廡

東西通廊各一十二間

鐘鼓樓在龍虎殿東西

靖通菴三間廂房三間門屋三間在玉皇閣後祀

虛靖真人

茅菴一間磚石疊成茅覆其上虛靖真人修煉之

所

龍虎山志 卷二

鶴歸亭一間在茅菴前

脩然亭在菴右

碑亭二座在龍虎殿左右

櫺星門三架皆石爲之雕龍盤頂傍開兩門出入

下馬亭一座在官前百餘步

樓門一座疊石爲臺中通往來上構層樓崇祀真

武橫榜曰龍虎福地豎榜曰大上清宮

碑亭三間在官門東五十步歷代碑記名賢真蹟

悉頓於此

坊牌二座在宮前大街左右榜曰崇福廣教

提點所在正殿東正廳三間東西廂房各二間後

廳三間門屋一座

庫樓三間在提點所後

官廳三間在宮西南隅正廳三間東西廂房各二

間門屋一座

嘉靖壬辰提點張定漢見各殿宇傾圯具題

勅內官曹玉董修增建東西廊房各一十二

間

龍虎山志

卷二

五

萬曆己酉夏四月暴雨上清宮龍虎觀俱傾

頽五十代天師張國祥題請修理奉神宗諭

旨這奏內江西龍虎山上清宮三清等殿演

法觀等處殿宇房屋被水衝倒神明無據朕

心不安亟行修理准留本省稅監潘相應解

三十八年分內外稅銀三萬兩着真人張國

祥自行修理工完造冊具奏該部院知道後

竟不果國祥遂出歷年恩資之貲辛亥重修

龍虎觀正殿一重及山門三間天啟癸亥修

上清宮殿冬杪國祥卒子顯庸嗣修於乙丑

五月告成其鐘鼓樓及靖通菴鶴歸亭俱新

苦蓋復以所贖官田二百餘畝還宮以爲崇

祀祝醮之費初國祥議修葺資用不給則鬻

產佐之不安募民間一錢併擅役民間一夫

榜示通衢顯庸恪遵先志勉力竣事惟玉皇

一閣工程浩大未及修理

府第

大真人府在上清里古倪洋市宋建府在關門之

龍虎山志

卷二

六

上元徙建長慶坊舊志載在真懿觀之西復徙觀

東卽今址也華山障其北琵琶山峙其南應天山

聳其東西華山翊其西水自巽入繞府第而歸乾

五星奠位而合局故纂懿流光若斯之盛堪輿氏

所謂仙圃長春是也嘉靖丙戌四十八代天師題

請修建

正堂五間東西贊教廳兩間東西廊房各六間

二門三間左右耳門各兩間

後堂五間東西耳房兩間

川堂三間東西廂房各六間

儀門一座

頭門三間

內廳五間東西廂房各三間

門屋一座

後堂五間東西廂房各三間堂後小廂房六間

勅書閣五間

家廟五間在第東東西廡各五間

正門三間

龍虎山志 卷二

後殿五間東西廡各三間

書院三間東西廂房各三間小房九間

萬法宗壇在第西正殿五間東西廡各三間

真武殿五間東西廡各三間小房九間

元壇殿三間在二門東東西廡各三間

法籙局在二門西前廳三間後廳三間

提舉公廨三間東西廂房各三間

坊牌二座在府前左右榜曰道尊德貴

碑亭一間在府西

七

正一觀在龍虎山上清宮西二十里四代天師元

宗自漢中來建祠祀祖天師子孫世祔宋崇寧中

三十代天師繼先奉勅修葺改額爲演法觀

正殿五間祀祖天師洎王趙二真人龍虎二真君

像俱銅鑄浴金左右兩廡各三間正門三間

玉皇殿五間在正殿後鐘鼓樓在正門東西

靜應觀在真人府西百步宋嘉熙間勅行在提舉

修葺賜額真懿觀元至元中三十六代天師宗演

奉勅重修明嘉靖中勅改靜應觀

龍虎山志 卷二

真風殿五間

法堂三間在真風殿後

法院三間在法堂後

方丈三間東西廡各三間在法堂東

鐘樓在東廡南

法籙局在東廡東 正門三間 頭門一間

宮觀

神德宮在篠嶺背去宮一十里舊爲南山觀元宗

師張留孫奉勅葬其山賜額改神德宮

八

元成宮在宮北二里元大德中真人夏文泳奉勅建

仙源宮在宮西三十里舊爲觀獨真人徐懋成建嘉靖壬辰致一真人邵元節題請修葺賜額仙源宮

正殿三間 龍虎殿五間 真官殿 元壇殿

正門一座 碑亭一座 銅聖像九尊

外嶽宮在蓬畢觀下祀玉帝八司顯著靈異朝謁香火最盛

龍虎山志

卷二

九

真元宮宋嘉熙間崇禧院道士黃崇鼎奉勅建

崇文宮在安仁縣雲錦山舊爲崇真觀嗣師吳全

節奉勅建元至大初奉勅改崇文宮

紫霄宮宋嘉熙間崇禧院道士黃崇鼎奉勅建

崇禧宮元祐間崇禧院道士孫景真奉勅建

仁靜觀在真人府南應山下元至治中嗣宗師吳

全節奉勅建祀開府張留孫

靈寶觀在微君山下宋大觀中三十代天師繼先

奉勅建嘉定間本宮道士易如剛徙建宮之東

雲錦觀舊爲王侍郎禹玉雲錦菴也在雲錦石下

宮西二十里三十二代天師守真遷建東北鐵爐

源慶元中道錄留用光遷建王家塘

祈真觀在宮東南三十里祖天師洎唐葉天師皆

煉丹於此宋崇寧中賜額祈真觀

疑真觀在宮南七十里曰鬼谷山南唐保大中昭

孝太子建宋嘉祐間賜額元至元中本宮道士吳

與順重建

金仙觀在宮東北九十里宋嘉定中吏部郎應彌

龍虎山志

卷二

十

正建

浴仙觀在宮西一里舊爲蒙谷菴虛靖真人所生

有浴仙池在焉

慈壽觀在宮前琵琶峰頂上世傳呂洞賓煉丹之

所有碁盤石

桃源觀在仙岩北路從石峽入二里許中寬地夷

廣十餘畝泉深土沃四面皆石嶺昔一道人不言

姓名闢荒結菴而居日募化於外夜歸宿於菴地

多猴時抱果栗來獻道人去後建屋爲觀